



UNIVERSITÄTS-
BIBLIOTHEK
PADERBORN

Universitätsbibliothek Paderborn

Indvstria Spiritvalis

Spee, Friedrich von

Coloniæ Agrippinæ, Anno M.DC.XXXIX.

Oratio S. Thomæ Aquinatis

urn:nbn:de:hbz:466:1-43756

remissio, sit delictorū perfecta pur-
gatio, sit turpium cogitationum ef-
fugatio, ac bonorum sensuum rege-
neratio, operumque tibi placentium
salubris efficacia, animæ quoque
& corporis, contra inimicorum
meorum insidias, firmissima tuitio,
Amen.

Oratio S. Thomæ Aquinatis

OMnipotens sempiterne Deus,
ecce accedo ad sacramentum
vnigeniti Filij tui Domini nostri Ie-
su Christi: accedo tamquam infir-
mus ad medicum vitæ, immundus
ad fontem misericordiæ, cæcus ad
lumen claritatis æternæ, pauper &
egenus ad Dominum cæli & terræ.
Rogo ergo immensæ largitatis tuæ
abundantiam, quatenus meā curare
digneris infirmitatem, lauare fœdi-
tatem, illuminare cæcitatem, ditare
paupertatem, vestire nuditatem: vt
panem Angelorum, Regem regum,
Domi-

Dominum dominantium, tanta suscipiam reuerentia & humilitate, tanta contritione & deuotione, tanta puritate & fide, tali proposito & intentione, sicut expedit saluti animæ meæ. Da mihi, quæso, Dominici corporis & sanguinis non solum suscipere sacramentum, sed etiam rem & virtutem sacramenti. O mitissime Deus, da mihi corpus vnigeniti filij tui Domini nostri Iesu Christi, quod traxit de virgine Maria, sic suscipere, vt corpori suo mystico merear incorporari, & inter eius membra connumerari. O amantissime Pater, concede mihi dilectum filium tuum, quem nunc velatum in via suscipere propono, reuelata tandem facie perpetuò contemplari: Qui tecum uiuit & regnat in vnitate Spiritus sancti Deus, per omnia sæcula sæculorum,
 Amen.

Ora-